



學源堂詩集卷之五

清苑郭蔡快圃著

七言律

丙申元夕扈 駕南苑 賜讌

爛熳傳聞九市燈恩叨翠幄賜紅綾
大官霞醞香噴苑元夕星橋花映冰
蓮炬五雲天子氣鰲山萬戶
太平徵侍臣旣醉歡無極遙徹嵩呼拜
毘毘

己亥冬十一月

上幸明陵惻念崇禎帝 勅工部重修陵寢仍謚莊
烈皇帝恭頌曠典

宸遊天壽聽嵩呼駐輦明陵降典姝無論劇秦知漢
大有懷鑒夏與周符十年白草藏金盃一日黃流酌
鼎湖諡法昭垂宣史局歡聲傳咏動皇都

丙午元旦蚤朝

五年次午應中天鐘鼓鑾儀鳳闕聯獻瑞錦袍皆武
士呼嵩紳佩是朝鮮墀頭有日霜華濕殿角無風漏
點傳一聽鳴鞭齊鵠立龍輦遙自兩宮旋

迎薰亭侍宴

月應林鐘賜橘辰

六月九日唐賜百官橘

詔開西苑飲儒紳池

頭鴛鴦圍瓊樹天上龍雲照玉津宗伯儀章先九列

班序亞三賓

宸遊輦路傳清警遙拱虹橋拜

一人

其二

鑾宴度處接銀塘高岍沉沉蔭柳廊鳳舸賜名懸

御墨蘭橈出水發天香新霞金榜移朝日宿雨瑤窗

涼豈是昆明掣橫海涉川舟楫待賢良

其三

禁池隈魚鳳擘麟兩仗開近水不知當暑
月無塵真是到瀛臺就筵虎拜凡三贊隔岍山呼定
幾迴欲答鳧鷖無賦筆萬年觴借水晶杯

其四

太液波明影碧霞
斗牛星畔泛仙槎
百壺湛露聖人酒
十里香風君子花
蛺蝶過船吹芰粉
鷓鴣出水帶菱芽
銜杯四望歡無極
身在瀛洲第一槎

其五

鼓枻乘流畫鷁聯
巍峩金碧接東天
雲烟浮動翠罽
密樹影參差
睥睨偏蘋蓼
花疑橋外轉
鴛鴦亭在鏡

中懸

二亭相對禁中呼為鴛鴦亭

傍池樓閣千重翠
園裏芭蕉檻

外蓮

其六

帆影直當玉竦橋
橋頭人插侍中貂
烏迴白堦覘龍艦
馬到紅門駐虎鏢
鐘鼓半天瓊島寺
亭臺四處海光潮
溯洄不覺來深港
驚起蘆花翡翠漂

其七

迴橈容與趁安瀾
醜酒平臨西澱看
玉削遠山皆碧落
金輪古佛是栴檀

西內寺名兔園 西內園名 過雨搖青竹
龍

壑 西內地名 因風下彩鸞
十丈仙霞紅一縷
光明殿裏玉

闌干

西內有大光明殿

其八

涵碧亭高受夕曛
侍臣醉飽賦橫汾
船迴天漢疑春

水樹出奇峰總夏雲進酒諸王朝北面彈絃 天子
奏南薰周廬兩岍稱榮幸盛典長安喜共聞

其九

揚帆重向碧波凌不酌堯尊亦不能太白醉憐銀縷
鱸相如渴愛玉壺水避人水鳥看相習竟日荷風得
未曾 聖主恩深臣意洽況勞中使勸頻仍 是日中使宣勸

再者

其十

曾侍 先皇午日遊何當寵遇兩朝優白鵬繡褱花
香染綠蟻金尊雅興酬共戴 隆恩傳萬國太書嘉

會史千秋對揚祈與民同樂豫識 宸衷念九州

宴歸馬上口占

瑤池侍宴並鞍回醉拂薰風笑語開奪錦敢煩 天
子問衣黃親見 聖人來彈冠柳岍纓沾翠振袂河
洲珮映苔三館詞臣齊沐寵須知盛典爲憐才

獻詩遇雨

蓬萊縹緲憶遊仙賦得瀛洲雨露偏句擬卷阿鳴鳳
什吟同天漢躍龍篇捧函曉聽鐘聲濕出直陰看柳
陣眠歸去莫疑衣袂重甘霖晝夜帶甘泉

丙辰元旦雪

今年滿擬迓天休
元日蒼茫瑞雪浮
上國琪花開凍
樹春城雲葉鏤
烟樓須知太史
占田曆可有將
軍取
蔡州
聖主憂勤停獻
頌玉華應是兆
豐秋

丙辰正月二十六日再拜宮允之 命感賦

苑開博望近金鑾
二十一年再拜官
白鶴門邊尋老

吏赤旄仗裏見文竿
玉河水嫩沙堤柳
桐邸牆高金

馬闌見說銅龍真福地
曾經萬國聚衣冠
署舊為理藩院

上特出金牋 命書王右丞蚤朝詩一首揭為屏風

鳳錦鸞牋出建章 詔分三館寫三唐花香日色王

摩詰青瑣瑤臺褚遂良
翰染雲鴻摹聖草墨
研秋露

借天光一臺二妙干乾象
奎宿今宵定有芒
青瑣句出符傳

甲子元日

上元甲子履端辰
風日晴和運會新
萬國咸寧頒寶

曆 一人有慶賀王春
龍笙象管鈞天樂
綵幔華樓

玉水津處處歌聲傳
白雪衢樽何用酌
堯民

元旦立春雪 乙丑

朝元節序應春官
金闕瑤華曉未闌
複道紅鐙連鹵

簿掖門蒼霧擁朝冠
冰花五結天分候
春雪葭管初

吹律變寒左个青陽須紀瑞
銅龍樂奏萬年歡

康熙二十五年閏四月二十五日同禮部尙書

湯公斌滿洲掌詹尹公恭至

東宮惇本殿前恭候進講

皇太子諭云典學爲道統攸關予自幼冲躬承

皇父諭教夙夜敦勤四書周易尙書誦讀已週且曾

聆受講解茲出閣開講以爾等學優行美簡

克講官予何敢不率循蒙卦之義佇爾啟導

懿典旣重禮貌宜優可免爾等跪拜賜坐進

講昭予崇儒重道之意臣等辭不敢當及啟

奏

皇上云皇太子冲齡有此誠念爾等勿負其意況賜

坐進講古有此禮可勉從之臣等奏曰免拜

坐講古雖有典惟古人克當之臣等何人敢

膺斯禮

上曰爾等旣懇辭著止行二拜禮仍賜坐進講恭紀

銅龍初啟侍中宣進講儒臣尺五天重道桂宮捐拜

席承恩蘭殿肆賓筵御爐香裊芝函帙寶翰霞流金

鳳牋仰識 聖功蒙養正勲華世德接心傳

瀛臺進講

博望移鑿傍九成瀛洲仙館接西清講筵近水荷風

入禁苑流雲石翠生樹裏烟嵐朝綵閣池邊沆瀣度

霓旌百僚奏罷紅橋散獨有宮詹最後行

春日侍直守晚

直廬清迥切奎章珥筆欣當晝漏長影對鳳池羞白
髮書縉虎觀勝青箱瀛臺御柳通佳氣瑤島天絲掛
夕陽恩遇兩朝叨 睿簡在公夙夜有輝光

暮春侍直西苑

晨趨西苑爽塵心淑景韶華滿禁林蓼蓼蘆抽千尺
碧嚶嚶鳥弄七絃琴日高彩鳳雲中閣霞擁青螺水
上岑徙倚畫橋須詔問瀛洲縹緲送仙音

夏初瀛臺侍直

瀛臺啟事傍雲霄玉祀金扉列珥貂兩仗旌旗環綠
水一行鷓鴣巨紅橋霞明綺樹朝光麗柳曳銀塘翠
色遙下直西清志著月九成真莫羨嶠嶢

閣直對雨

瀑直綸扉對玉闌禁城雨色坐中看掖門樹濕虬龍
翠太液波漂荇藻丹漠漠雲霞通上苑沉沉鳥雀靜
長安紅塵灑落秋光好只恐愁霖野老歎

九日恭侍 經筵

聯班深殿玉堦崇九日登高傍紫宮崔嵬暮秋天闕
外雲籠香案日光中談經繡褱皆儒服訪道瓊筵自

聖功講罷承恩歌湛露醺然不羨菊花叢

丙寅元日太和門侍宴

殿陛森森奏鼓簧朝正輯玉萃冠裳雲籠黼座浮龍
袞風動瑤墀漾雀觴執戟熊羆爭向日盈繁橘柚凍
含霜歌颺醉飽鷓班喜白獸何須詡盛唐

春日過南苑紅門

金殿瑤扉上苑開當年扈從幾同來雲霞百里瞻龍
氣松柏千尋長鶴胎前席夜明鑿閣月宣綸晴動海
門雷只今白髮經過處郁李濃桃喜正栽

翰林院啟館

蹒蹒仙署聽宣麻北面人宗擁絳紗豐沛有玉
筍蓬萊無地不金華日懸雙闕朝光滿春到長安淑
氣餘中祕正饒蝌蚪跡藜烟今夜散朱霞

詔試詞臣於翰林院

花磚日影憶當年珠玉揮毫事儼然禁柳春雲來
鳳闕堤沙草色接龍川昆吾御宿楊雄賦蘭圃華田
侯湛篇 聖主右文誰奪錦柏梁佳句自堪傳

詔遣田沛蒼少司農發漕米四百石賑淮揚水

荒

淮海鴻哀慘繪圖 九重軫念切予辜啣恩北闕三

學淵堂詩集 卷之五
春雨續命南艘萬斛珠治水何時酬大禹救荒今日
遣司徒江鄉沮洳多艱食引領將無望後蘇

和紀孟起中翰扈從南苑

翠華迢遞幸蓬萊上苑薰風曙色開香染龍旂花發
後雲橫寶勒雁飛迴穿楊羽落蘆溝岬擊鼓聲傳碣
石隈珥筆仙班皆扈從甘泉獨有子雲才

賀劉伴阮比部蒙

御書松風水月四字並墨榻清慎勤三字之賜

建章宮裏侍

宸書

御墨淋漓尺丈餘曾照蒸烟

迴紫禁猷承翰寶出彤除香吹錦袂天街滿瑞暎華

堂日影舒榮寵羨君齊宰輔定知蚤晚賜金魚

其二

日麗奎章宵旰勤天言還欲侍臣聞三當魏史官箴
語四字唐碑聖教文帝愛雕龍人自俊恩頒臥虎
筆同芬慙予濫點瀛洲署香案何時看五雲

御書范忠貞公墓碑墨寶跋

聖藻旌忠雲漢章跳龍臥虎燦縑緗圖書直比庖羲
古翰墨雙飛奎壁光太傅笏牙金檢動常山舌血玉
毫香芝函霞起干天象知是重華撼九閭

和王子言宮詹奉詔觀湯泉八首

千峯雲擁落平岡
神漢淵淵大麓旁
地氣吹春連黍谷
海濤浴日涌漁陽
烟蒸虎峪紅川滿
聲散龍沙白晝長
漫說驪山饒勝蹟
靈源夜夜起霞光

其二

莫言浣布火無池
南海炎洲見此時
春半不寒疑野燒
日斜猶熱豈朝熹
客來乳窟尋盤浴
人向蛟宮借鏡窺
底事振衣齊北望
鼎湖龍氣悵紛披

其三

氣煖如蒸雲夢澤
薰高直逼馬蘭邊
沸來龍領珠生燄
流出螭頭玉帶烟
石尉珊瑚泉底斲
滕王蛺蝶水

中錢溶溶十里春
冰釋勝觀甘霖綠
滿川

泉底石皆赤投之以

錢羽羽而下如黃蝶舞

其四

亭壁有前代宮人怨詩

幕泉重築棟堯高
霧起烟霏日幾遭
草長龍芻曾駐輦
壁題紈扇舊揮毫
茅山石鼎烹鍾乳
瀛島雲窩煉玉膏
久坐無須愁執熱
會看王母獻冰桃

其五

元僚踰濟鳳臺升
按轡文園共謁陵
帝詔臨淵原有意
臣心比水詎無能
雲霞深鎖蒼梧樹
日月雙懸白鳳燈
祓濯齋虔霧液罷
悽然霜露滿懷增

其六

鸞旂鳳輦過宜春
灑道前驅漉灞頻
新築椒房環煖溜
豫開蘭殿俯靄津
皇家典禮勤脩被
天子游觀重守巡
山水從來各有樂
兩宮坤德邁宣仁

其七

溫泉觀止荷溫綸
數里陵園望更真
獻賦自多金擲地
勒銘端有石如珉
茅茨儉德稱唐帝
芹茹名章頌魯臣
甘醴靄芝休紀瑞
濯纓清水報丹宸

其八

碧潭無竹亦漪漪
莫比觀潮杜牧嬉
水火相生圖太

極坎離既濟玩爻辭
夕陽遠樹天開處
菘渚紅雲暮
暮時感激白頭老
詹事歸來敲鏡歎吟詩

賦得東風已綠瀛洲草

館課

蓬萊軒敞近朝陽
日麗風和瑞草長
遙借萬年枝
色爭披三月雨
前香萋萋葉似霞
舒碧細細心如丹
綴黃漫道王孫遊
處滿春來獨喜禁城芳

張仲若學士總制宣雲

詔從綸閣簡儒卿
總制宣雲錫鉞行
萬里邊城新壁壘
十年星嶽舊聲名
絳旂懸火桑乾煖
繡斧飛霜榆塞清
會見華陽歸戰馬
曲江大業待調羹

穎上人以詩投賦答

悔將姓字挂冰銜誤我尼言紫布衫何日塵情醒一
棒近來世法妙三緘閒雲有意歸蒼岫倦鳥無心傷
野帆獨有禪宗宐冷宦時時騎馬叩香巖

沈繹堂外轉大梁備兵副使

驂騮開道壯哉行酌酒紅亭別有情此日旌搖河兩
岸當年臚唱殿三聲騷情匹馬尋桑落彩筆晴窻賦
柳城黃霸今來重治穎高臺不久鳳皇鳴

贈許曼公

曼公明末
會罹黨禍

京國卅年萬里身芟荷未許點緇塵范滂有議寧云

黨原憲無衣豈厭貧眼底滄桑筆底畫壺中日月座
中春貨春廡下誰能識不用深山學隱淪

胡蒼恒太守與同社諸子飲臨漪亭擲骰得六

么

傾觴臨水暑炎消呼酒投瓊一色嬌簇朶擬梅饒有
瓣排星似斗不全杓御筵何必誇緋賜樂府猶聞唱
綠腰寄語諸君休詫異珠還合浦等今朝

除夕有感

老大率于除夕見無多歡喜只多愁雙鯨橫海誰能
戮八駿乘風未可收水擬人情金是毋蜃如宦况影

成樓幾時剪築山南北拉飲陶然有舊騶

金方擢都門納寵旋里

年來折盡柳長條却載明珠買阿嬌試舞風前雲拂袖徵歌樓上月沉簫青袍白馬先投舍油幕輕車緩渡橋漫結鴟絃調小鳳河東只恐有聲囂

崔修菴外轉漢中道備兵副使總理平西餉務

稜稜繡斧照華雲太史乘軺漢水濱策重名藩原上客權依大將亦元勳褒城更著過秦論棧閣新傳論蜀文漫道茲行邊徼遠廉泉讓水總歸君

寄張萃平同館時假歸萊陽

喜從別後得雙魚伏枕慙無作報書博物如君真海錯多愁似我自山樗經春藥裏空花鳥入夢朋情減飯蔬遙計驛騶趨闕日金飈歷歷桂華疎

王晉劉外轉河南督學道副使

編爛豸繡斧光青劉向能傳校後經多士漸知館閣體中天新聚壁奎星非因絳灌疎才子自是詩書重考亭化俗文翁應有召黃麻佇覩到河汀

玄菴宗兄拜都諫

誰領鸞臺第一班阿兄昨夜拜恩還碧梧垣裏無前席青瑣堦頭獨佩綸緘久聞歌鳳翹封題今喜近

龍顏疎狂顧我難為弟潦倒石渠金馬閒

陳雷門令永城

君行作令好風流千載同符陳太丘永城即古太丘梁苑花

隨新雨發隋堤柳向蚤春柔雙飛鳧鳥原仙吏一路

絃歌乃壯猷績奏循良應有異桑麻栽滿礪山頭

申鳧盟歸永年

莫歎比干封墓晚以尊翁殉節上聞未蒙議卹人寰近日選忠經

深耕谷口即高士借隱金門豈歲星吾道可存不可

論世情宜醉不宜醒緇塵滿面何時滌亟返漳濱問

字亭

過張永舒齋中手談得讀近咏

共抱憂心似杞人高齋且拂謝枏塵談深日影移欄

竹奕罷牀頭漉葛巾世法總多尊我拙詩才如許羨

君新奇情怪底壓騷賦聞道眉山有老洵太翁大銀臺在堂

正月二日送石公家稼部司餉臨清石公善畫

酌君即以柏浮尊丹旆紅鸞滿目春夾道共驚行色

蚤乘郵獨喜日光新東南物力窮飛輓齊魯軍需望

指困聞說清源形勝好龍眠筆意自重勻

石輿瞻視嵯兩浙

金伏正堪河朔飲玉驄遙發路三千錢塘舊是鹽官

學源堂詩集 卷之五
地石奮今同管子賢繡斧影寒吳越徼畫船風靜海
江天壯遊南北如相憶有客常吟橘頌篇

謫晉臬幕留別同館

五年冷署傷蘭芬此日傾觴忍對君何物小臣偏負
國從來遷客重離羣身隨鴻雁驚秋蚤夢到瀛洲喜
夜分千里太原知未遠祇愁關塞隔燕雲

其二

誰道凌雲動漢宮芙蓉幕底賦秋風非關懶掃雙蛾
澹自是緣牽一葉紅松鶴閒情歸散吏鹽梅大業屬
羣公莫憐去國青衫敝天祿書鈔已滿籠

王望如司李福州

燕京萬里指閩天君到江南舟楫連幕裏芙蓉清郡
節部中橘柚散蠻烟粵平陸賈帆三尺鯉徒昌黎文
一篇佇見廈門風浪息右軍王畧是家傳

留別范箕生

西出何常無故人天涯不及比鄰親青箱日乞中郎
秘白墮時酣北海醇獨鹿水寒馬可渡木蘭柴靜雀
方馴知君甘向書巢老瓜望仙成誰與論

再別涵叔宗兄

時亦左遷

迴憶壬辰蕭寺中堦篔無調不相同一時騰達人應

學淵堂詩集 卷之五 三
羨此日凋零途詎窮
劔可干星關地氣珠能還浦待
天工雙駟並蹋蘆溝去
慘淡黃金臺畔風

中秋夜與范相野談警卜

今夕笙歌滿帝京
愁懷渺渺向誰傾
命如妾薄何須卜
病已狂多莫更生
雲去欲留蕉弄影
風來未到竹傳聲
披襟受月非無意
難得水輪此夜明

抵里寄呈都門諸友

浣盡衣塵京洛緇
布帆無恙報君知
何緣去國人爭問
此日還家我所思
殘菊猶堪供釀料
丹楓正可寫新詩
獨憐羸馬青衫客
又逐霜風訪晉祠

憶都居

眼底柴桑景物疎
因懷燕市舊蝸廬
蹄痕掃斷閒繡史
蘭穗燒殘夜榻書
砌竹有筠畱僕漑
盆蕉無骨任鄰鋤
行吟浪向邊城去
不擬靈均著卜居

將赴太原留別親友

繁霜不惜點鸛裘
媿說茲行亦宦遊
雪壓關河人面冷
塵飛劔佩客裝浮
古今何代無三黜
貧病嗟余有四愁
萱老鵲鴒猶弱羽
太行雲影悵悠悠

冬夜飲金方輜齋與高季木手談季木與余同名

名

學淵堂詩集 卷之五
爭坐塲車時未幾雙顴各褪少年紅一杯不醉霜天
月百歲徒留雪地鴻萍跡已知莊夢幻塵心爲對謝
枰空相如前後皆非劣獨羨文園賦更工

柏井驛 以下皆集

石磴哈呀瘦馬蹄
傳銀古驛倚寒溪
燈前瓦案供沙
飯枕上霜風送野鷓
月白荒山千嶂迴
雲青邊樹萬
峰齊非因放逐吟
關塞不信人間有路迷

平定州

肩輿欲仄愁過嶺
沙路微寬喜近城
古剎荒臺探有
碣寒溪白石聽無聲
辭家漸減妻孥累
歷國偏招感

慨情客賤幸無關
尹問此身何用更逃名

金粟園 故藩園
今改寺

珠林錦石晚逾蒼
問是分桐舊辟疆
絃管聲寒鳥語
雜籟枚客散墨痕香
徑來看竹門無鎖
不擬登山磴
有霜辭漢銅仙難再賦
只將興廢叩空王

其二

聞名金粟非無意
欲借曇光壓世氛
猶喜亭空能受
月獨憐松老不藏雲
牌懸漢鹿存荒跡
柳沒隋隄送
夕曛悟得滄桑眼底是
離騷變雅總堪焚
雪後再過金粟園
擬登文殊臺未果

羈栖容易發狂歌況復名園踏雪過授簡抽毫當日
龍吟詩醉酒半生魔雲屯古殿藏瑤島花覆層松挺
玉螺幾欲登臺舒望眼偶逢僧話又蹉跎

寄弟及示燦兒

宦情如此可誰堪不酒逢人面亦酣市米餓居囊已
澁烹葠洗术味仍甘執經芸館勤先業舞彩萱闈倚
少男乞得籠開鵬放蚤芙蓉幕底便抽簪

寄都中諸友

幕底停驂雪滿衣燕雲千里望中違孤臣自北霜林
籜遊子常懷護背幃一笑相看皆是德半生還憶總

成非杞憂偏入羈人夢聞道東南羽檄飛

除夕

丙申在平陽作

身經三十四除夕不獨蹉跎感歎增鸚鵡啁啾人自
喜枯樺俯仰我何能河汾霜滿停孤轡驛館風多護
短燈遙憶長安簪笏客雞鳴都爲蚤朝興

元旦

平陽作

記得年時趨闕東蚤朝宴賜建章宮菊秋去國如飄
葉雪月辭家任轉蓬關度冷泉冬草綠地鄰雷澤野
雲紅不知寒盡寧知歲驚見辛盤薦客中

元日得家報知弟藁入邑庠季男薛鳳生

泛柏浮椒照旅顏喜聞黃耳繫書還魯芹弟采初盈
羽薛鳳兒生代舞斑驛館花明雙燭穗客心酒洗大
刀環只今樂事天倫好擬鬻驂驢去買山

人日聞喜署中

獨有宦遊驚物候栖栖況是左遷人七開蓂葉傳今
日百疊波濤嘆此身驛路風柔新樹色官橋鶯過曉
山春一杯強爲芳時引且拂蒼蒼短鬢塵

晉藩故宮

紫禁沉沉晝不關人來人去看花山如何玄鳥黃羊
跡都在金屏碧宇閒水滿龍池雲忽散霜空桂苑樹

難攀寒鴉亦識興亡感夜半飛鳴不肯閒

賦得遷客西來還自嘯

不悔心同楚木方却憐性爲飲泉狂昔賢大抵皆遷
客此地何曾是遠荒買酒且澆周黨墓鞭騶頻上呂
梁岡懷歸非愛東籬好旅夢時時到北堂

剃髮者欲余脩眉鑷鬚笑止之

驚見秦銅影素絲銷除且趁日遲遲九苞鳳羽誰脩
采百丈虬松豈附枝涉世總然成柄鑿逢人安可變
鬚眉魏徵媼陳平美將相生來有異姿

白髮問

年來履濶少年場短髮欺人暗點霜貴賤總由天損
益升沉不向影商量偶然喜怒成渠水瞥見繁華過
眼檣饒有葳苓克藥裹鬢絲緣底到潘郎

楊猶龍由山西觀察擢中州右方伯

握手殷勤憐我至攀轅無計爲君留詩成驛路鶯花
蚤夢繞家園旌旆悠三晉地尊楊子宅兩河聲動李
膺舟玉津曲水尋常到有酒先澆賈傅丘

東丁醫

藥名

三十年來遠志違防風常是臥孤幃偶酣芍藥開時
酒蚤授茱萸插後衣離亂此身猶獨活沉淪何日便

當歸從容爲說平生病心似蜀葵知者稀

五日

誰把深杯醉綠蒲驛樓有客興全孤白雲千里逃關
樹花幕一官併馬箠入眼山檣蒙細雨停車野館鬧
飛颺年時侍從猶堪憶太液龍舟宛畫圖

聶輯五侍御按秦回都

夾道山榴撲玉驄知君趨闕獻秦風歌聲譜入西羌
管斧影光回五柞宮桓典威儀原馬上荀攸家世在
河東于今柏府推司直佇奏澄清第一功

河堤習射

底事能教礪礪平碧流沙岸射楊聲波明有月瑀弧
滿草偃無風鐵羽橫囊矢韃弓仍盛世落鷗沒石豈
書生偶然寄興何工拙且遣斜陽過短城

西河朱滄起先生書來兼寄新刻詩卷

一紀懸車臥辟疆詩筒貝葉染龍香不爭官品如人
品自是家鄉勝帝鄉靈笈既能分枕秘騷經只合鎖
巾箱緘來書札皆奇字慙愧侯芭鬢已霜

中秋雨

秋雲漠漠樹陰陰細雨無聲澹客心風定花猶垂冷
露塵空鳥自散清音不禁見月生歸思豈爲窮途學

越吟且拂石牀傾白墮池塘落葉看浮沉

九日登蒲縣文昌閣

山閣峻嶒頰翠蒼登臨况復是重陽眼前碧巘千層
聳檻底清流一帶長寄興何須尋戲馬隨緣且自醉
萸房坐聽空外鴻聲切愧說孤踪尙異鄉

貽李震陽

時寓襄陵

兩人出處有三同蘭譜門牆桑梓通汾水西來君落
落霍山東去我忽忽行藏但可學彭澤得失都將譬
楚弓好向襄陵沽白墮秋林繫馬醉丹楓

萬泉柏林

千章古柏翠濤鳴白日如藏風雨聲鬼欲拏雲幽幹
出蛇爭抱石怒根生登臨不礙乾坤眼浩劫長畱日
月精偶爾躋攀別有慨唐碑漢碣沒荒荆

秋意

太行西望萬山重瀑嶺花巖鳥道通樹不畱雲司馬
墓獬爭臥草虎祁宮風翻翠浪葡萄紫日射金丸杙
杜紅遙憶故園籬畔菊秋來應發舊時叢

其二

千山秋老野雲蒼澤畔行吟類楚狂鼓瑟尙須存我
調飄蓬一任轉他鄉筆能吐鳳知何濟劒卽如龍亦

可藏遷客自來多慘澹牡丹不入九騷章

其三

偶然回首憶金門雙屐猶沾禁艸痕浪跡乍來聞喜
縣傷心渾似買愁村三巴巴窘蕭何計百粵空傳陸
賈言觀象何年低太白遠標銅柱作雄藩

其四

寄我孤踪有驛亭皇華袞袞駐雲駟三千國盡承恩
日十二垣中散使星王謝自多賢子弟尹邢不是舊
娉婷條山萬點垂槐萼東望枌榆入夢青

其五

洋洋汾水不游魚尺素何由有寄書廣絕交餘誰更
廣除豪氣盡我重除林無蜂蝶隨松柏野有芎藭媚
驅驢用拙自憐何所似非同樵海卽山漁

其六

謁來不聽景陽鐘邸報遙傳似秘封漢室有才唯絳
灌虞廷多福自夔龍江淹到處空懷筆丁固當年祇
夢松莫對蜃樓生艷羨且看秋月澹心胸

其七

愁吟坐見落銀河豈爲無魚浪作歌竹到荒園多幹
節水流窮處少風波但教有地容稽懶自會隨緣縱

白魔乍見秦銅涵瘦影羈人雙鬢已婆娑

其八

驛路秋風檝轉催米簾分座爲掄才湖芹江芷無緣
采塞李邊桃豈更栽薄命只宜耽寂寞美莊總有易
蒿萊避人深鍵蓮花幕不逐浮名取世猜

其九

不獨凋楓易感人葭黃露白宦遊身邊雲漠漠東縈
趙嶽樹蒼蒼西望秦悲氣賦聲誰達者紉蘭佩茝自
孤臣秋來何地偏佳勝野水芙蓉醉隱淪

僧貽菊

已拋三徑荒無菊却喜一枝贈有僧碧葉蕭蕭秋露
下金葩冉冉晚香凝餐英自是孤臣意佩蕊應知仙
客能獨有風流彭澤令東籬醉後強高登

嗅菊

晨興踽踽下荒除盆菊含英白露疎握手清如逢隱
士嗅香法不載方書徐徐乞得蜂王巧細細能爲鼻
祖舒此日東籬猶爛熳何時陶令賦歸與

已丑春過隰州時同里陳公因之作牧下榻殷
勤未幾寇起公殉難事平其子藹公尋骸不
得茲再過其地憶舊悽然

荒谷秋風捲濁流重來爲憶十年遊張巡魂杳睢陽
郡賈誼心傷汨水洲晉野尙能傳姓氏燕山何處是
松楸大招吟罷傾杯酒蒼霧漫漫蒲子丘

雙塢寺

太原

繫馬雙槐落照殷愁人獨喜叩禪關煙生佛洞一燈
閃霜老秋林萬葉斑月近疑懸松頂上雲來只在塢
中間偶憑紺閣頻西望十里銀濤蕩碧山

重過紅土寺

重過荒刹欲幽尋曲徑高崖秋氣深石洞悠悠通淨
域木魚隱隱老禪心僧因供佛藏霜果寺爲分齋下

學淵堂詩集 卷之五
野禽不是枝官容潦倒誰能騎馬訪雙林

盤駝口

童山歷歷似盤駝亂石枯楊驛路多高寨人歸峰頂
去寒天鳥散樹中過千巖暝色三冬雪百里泉聲一
道河爲底青帘不肯挂當壚只恐見兵戈

權店

山峽石門枕亂流前年水濫半成湫蓬垣木柵憑狐
穴老牸殘獮見虎愁人語杳從幽澗出樵歌都在大
峰頭何來瓦鉢煨黃葉有客停驂古驛樓

沁州

山盡烟嵐極目清城依沁水暮雲平銅鞮日有淡秋
色石鼓時聞過澗聲亂後人家開小竇塢來官舍沒
荒荆驛樓壁疥埋蒼蘚隙處剛畱遷客名

虎亭驛

虎祁豈有晉時形千載猶聞字驛亭瓦缶店頭堆五
色木棉驢背響千鈴地連樓迴煙光紫山與雲冥雨
氣青客意尙憐秋未老竹籬低處度流螢

大陽鎮

沁水東流歷萬山山形平處啟通關人經兵火三千
戶地倚巖崖上下彎樓閣暮煙連遠樹桑麻秋色接

重關行來百里經雄鎮顧我愁人亦解顏

東陳藹公

偶來非為賦閒居擬結陶籬傍小廬風雨叩門皆老
爰晨昏擁膝半方書慙無北海芳尊滿遂與南州高
士疎百尺樓頭如可下呼童好為摘園蔬

杜詩云元日至人日無有不陰時巴夔瘴國則

維其常我里亦然吟以志異

人日直從元日陰雲流風起晝沉沉冰花徧結枝頭
玉雪氣渾銷勝裏金誰道天心七日復堪憐時序百
年侵杜陵舊詠傳巴蜀那更燕山有和音

開塾示諸子

選日殷勤置絳帷百年烟榻古香披願為韋氏傳經
地不作陶公責子詩座上春風寧計月簷前寸晷好
乘時紫囊戒佩原吾意白雪難歌即爾師

元夕鐙聯中有月愛笙歌靜不流之句足成一
律

元夕澄天翠似秋滿城春色望中收風憐花火吹常
細月愛笙歌靜不流十里星橋人海沸幾羣寶馬地
烟浮誰家貂錦驕年少我老惟餘詩興稠

寄宋顥愚

梧垣玉署掖門東簪筆鳴珂君與同一日秋風吹落
葉三年荒塞轉飄蓬馮唐命薄頭先白宋玉才多賦
自工糲底途窮不肯泣讀騷痛飲月明中

東郊春望

平臯散轡欲行春十里晴郊極目頻白接孤雲新水
氣青含細柳嫩鶯身山川秀麗連畿輔天地風光媚
野人種菊盤松原自好離騷豈肯和靈均

雙陸

波羅聞是梵王留玉局晶盤戰不休廿四點排垓下
壘單雙數定幄中籌風流魚掾傳花注壯節梁公禡

翠裘散帙投壺清事少晝閒聊借寫離憂

涿鹿旅店壁上見李小有丁丑題句愴然念其
人之云亡也次元韻

磊落當年未易投嗟君白首賦仙游赤松有約因辭
漢孤竹何嘗不諫周歸去青山能作主傳來白雪自
難酬無須更聽山陽篴焰壁淒涼月一鉤

謁漢桓侯祠

古廟頻過障路氛廿年今始拜將軍當時世界雖如
鼎向後人情不似君畫壁蒼茫長坂陣垂碑斑駁闕
川勳喬松尙識英雄意遙接樓桑日暮雲

春日飲郊園

辟疆門對野泉開，偶爲尋幽冒雨來。
曲奏朱絃馴鳥下，杯傳綠蟻懶雲迴。
陰陰灌木隨風舞，莽莽雜花得露培。
日暮無須催去騎，倚闌猶欲盡餘杯。

春暮書懷次金遜菴韻

韶光荏苒又從新，排悶疏泉灌短筠。
百尺方心如楚木，三緘世法學金人。
碧桃紅藥香爭老，錦軸青箱書不貧。
五嶽有懷遲向子，黯然非獨爲殘春。

桑雨嵐舉第八子

酌酒於君唱鳳雛，膝前才子夢蘭符。
命名止可同元

凱，媿美何難壓。顧厨鄉曲有田，皆種玉門楸。
無歲不

懸弧符家漫爾誇，千里八駿軒昂宛畫圖。

雨嵐玉田人

次王金粟見懷韻

渺渺君行吳越閒，山峰海嶠共誰攀。
遊人五嶽囊應滿，遷客三年鬢已斑。
燕市有金皆駿骨，雁門無雪亦藍關。
豪情客氣消俱盡，竹解魚腸佐買山。

三月雪

桐華欲放雪花湮，萬里蒼茫氣正勻。
田曆卜晴違甲子，春秋紀異首庚辰。
遠嵐雲重青猶隱，低柳鶯寒語不真。
惱殺風流戴仲若，雙柑斗酒去逡巡。

清明

三月春寒雪絮飛清明無柳插柴扉輕雲澹霧朝烟散
白榼青尊野祭歸開圃趁晴邀社酒看姬忍冷試羅衣
撩人景物檐前好乳燕喃喃話翠微

王若朴過郡夜酌小齋談舊

夢蝶驚飛客刺傳蓬開纔泊子猷船狐裘繡襖來西隴
虎節朱幡向北燕各有憂心難語世相看短鬢不
容年樵青急爲烹春韭傾竿燒蘭共問天

其二

臯比輟講散蓬瀛香案梧垣各有聲瑞草如君逢佞
指蠹魚似我望仙成狂如方朔官應左涕盡長沙去
亦輕料得右軍曾誓墓察眉端不負蒼生

龐木伯左遷江南藩司叅軍

紅亭勸酒莫教寒落拓于今半左官水驛蕭蕭新雨
送石城渺渺大江看人情不獨他鄉薄仕宦無如散
吏安我亦行吟澤畔客離騷橫筆已刪殘

屬僕買易酒

只因囁耻減詩思百里提筐買一甔最喜蕭蕭寒水
味莫辜灼灼好花時臺邊豈有新棠樹井畔猶存舊
習池不必中山千日醉醉翁意只在銜卮

五月十二日雨

萬騎颺馳曉夢驚
瀑簷知是雨盆傾
沉沉積澗浮簾
影片片飛花靜
鳥聲蚤市豆瓜筐
筐散滿城樓閣霧
煙平空廚莫訝遲
炊火雲暗鄰雞不肯鳴

高仙友光祿書屋落成

聞君新構墨莊成
斐几藤輪事事清
光祿池臺看窈
窕仙人樓閣聽
簫笙月來蕩漾花
牕影風過丁東竹
鳥聲諫草避人焚
幾篋閒心應付橘中枰

東丁野鶴

花徑春來客履疎
雀驚忽枉故人車
全無世法穉中
散雅有才名劉
校書握手舊傾燕
市酒論文重剖碧
山魚不爭去後香
三日慙媿園下未
剪蔬

雨中飲劉季霖郊園

天曠雲低萬木清
園空雨急小塘平
野簑歷歷煙中
散濕鳥垂垂葉底
鳴數里蒼茫迷古
道雙樽潦倒寄
幽情郊田近與灘
流接喜見新泉處
處生

李過廬分藩懷慶雪中過郡相晤

遲日陰陰柳凍黃
官橋有客度輕裝
鳳池誰為移仙
吏虎節今教去野
王四海風塵皆我
輩一天雨雪況
他鄉楚材自是川
舟用莫把離騷對
酒觴

雪棠吟易水范氏女未嫁殉夫奇烈特著其家

海棠一株花忽變白賦以志之

天憐烈節出芳齡如錦棠花幻雪形睡雨何須嫌有
淚披風不止恨無馨急傳玉署濡彤管擬付香閨續
孝經易水歌寒千古事于今慷慨屬娉婷

里中雜感

稔知樗散合幽棲且向家園課黍藜殷浩豈因官畫
字茅容不為客烹雞薄田賴得迎春雨破屋愁看臥
病妻莫訝詩篇月一指桑麻事事是新題

其二

家塾茅堂隔短垣人來坐聽讀書喧課兒紙筆須三
分畱爰盤餐共一尊砌竹盆花宜靜對藤輪木榻足
清言休緣舊雨嗟今雨地僻何妨雀滿門

其三

向疑衰我為途窮世事參觀更不同松檜垂垂惟晚
翠芙蓉宛宛自新紅相逢少壯皆生客歷數知交半
老翁郊圃青葱春夏好浮生莫放酒杯空

藤仙弟舉子

牆東夜遁小嬛聲為報阿藤蘭夢成吾弟有兒吾子
弟若兄之父若翁兄堂前棗栗須添籠戶外蓬桑已

學淵堂詩集 卷之五
挂楹屬語園丁多種竹林高二阮好同行

王雨若已亥公車

八月再會試

幾年折柳應南宮此日公車葉正紅
盛世之才無泣玉偉人有氣自長虹
春官蕊榜開秋月杏宴江花趁菊叢
籌得平蠻須蚤獻廟堂方遣射蛟弓

秋日飲賈羹署齋中看茉莉

高館風多暑氣微尊前香滿茉莉肥
歌聲入樹驚栖鳥露點當堦濕葛衣
醉後有懷仍落落談深無想不非非
莫嗔夜漏壺聲急翹首簷前星宿稀

劉季霖貽桂花二株

金英碧蒂發天香我友移來傍草堂
坐近與叢筠分靜氣幽同籬菊鬪寒芳
月明影落人間種秋老花催隱士章
誰道招搖山上好眼前雙樹足清光

曝書

舍南舍北散龍香玉軸牙籤巾草堂
鳥下翩翩窺字古風吹細細動芸芳
百年竹簡韋家笥五色芝函米芾航
莫惜圖書顛倒在擬從天日借輝光

憶郊園月飲

攜柑憶過郡城東鳥語霞光總化工
爲愛飛花衝短鬢曾教孤月上疎桐
百年踪跡誰能定一歲園林幾

日紅莫惜杖頭容易盡重遊須及豔陽中

七夕

忽暗高天一葉青爭傳此夕雨藏星河明鵲度荒難
信露冷蟄吟靜可聽花裏攤書香落落樓頭散錦影
婷婷常思世上還淳好不願人間乞巧靈

七月十五日郊外卽事

一片秋光十里風喜看蘆渚散魚罾銀刀細細黏沙
白金井紛紛墜露紅蔓草荒楸多野哭提漿攜果半
村童茨梁問是誰家獲遙指官屯遠樹中

陳祺公備兵固原

舊爲鞏
昌司李

昔年棠芾動秦聲豸繡重來涇水行鸚鵡鳴啾迎旆
舞葡萄湫澗入杯清三年粉署名司馬萬里蕭關遠
備兵冠玉有奇還六出封侯誰道不書生

睡起

閒齋秋爽靜塵襟竹簟涼生午夢沉不信檀蘿真彼
國須知莊蝶亦吾心玉簪憲外霞流影金井枝頭鳥
弄音睡起開尊將進酒憐予小戶莫頻斟

玉簪花

習習寒香透碧紗近窗新放玉簪花仙人縞帶青雲
裏隱士白衣綠水家露冷自無蜂上下月明只見影

橫斜空齋折向瑤觚插棊几盈盈散素霞

石公宗兄出守順德過郡相晤揚州人善畫

春來夢向草塘通乍喜蓬開駐畫熊九百里迎小稼
部二千石領右扶風名聯珠樹眉原白人比瓊花蕊
正紅石佛仙翁順德山名都可繪為子點染臥遊中

老少年

萋萋原不是花叢湛碧嬌霞霜後冲共道徐娘情未
澹須知彭祖色猶童淺深放艷驕寒菊高下縣丹闕
落楓翻笑衰殘人似柳遠從勾漏覓砂紅

驚聞

歷亂餘生厭鼓鼙驚聞橫海動征旗射江漢武原多
警習戰昆明舊有池不信蛟腥能陸舞試看犀甲下
舟師書生誰道難標柱驅鱷昌黎亦自奇

秋月

月色天高秋更清娟娟不礙有雲橫寒光澹入壽山
影爽氣虛隨白露聲幽恨幾家調笛曲愁心一夜動
邊城狂來猶欲飛觴醉莫負銀河萬里明

池蓮已殘約客小飲

紅蕖不醉醉殘荷入眼蕭然秋思多兩岸疎籬門對
水一羣雛鴨掌浮波亭心杯筭游人望樹底絃絲醉

客歌四海只今獨樂少身閒且去訪烟蘿

過都中舊宅

去國會畱滿徑蓬今來有感意匆匆雲鋪曉色椒圖
壯葉掃春風雀跡空我反叩門投客刺僕猶隔戶訪
鄰翁須知無地非郵舍不獨樓臺幻海東

讀申鳧盟登岱吟卽柬寄

爲憶西征客轡收雙魚雪裏下并州

丙申鳧盟
曾有詩寄常思

白也飄然句不分盧生汗漫遊萬事于今皆海市一
生誰得到蓬丘竭來已覺檀蘿夢有筆羞將和四愁

其二

獨有豪情老不收
芒鞋雲水泰安州
追攀名嶽當奇賞
曾否閒心憶舊遊
康樂詩才清木石
休文病骨愛林丘
郎山我亦登臨徧
那有浮雲蔽日愁

其三

東岱憑將彩筆收
黠烟不憚小齊州
自來五嶽詩人料
況與三騶貴客遊
嘯徹高天驚碧落
歌流仙觀動丹丘
知君萬仞峰頭望
又領滄波無限愁

其四

狂態因循未肯收
三年無夢到神州
君方梁甫吟風罷
我已涇關踏雪遊
強酒自能開小戶
逃禪常欲臥

學淵堂詩集 卷之五
高丘禪魔酒病都非累却爲家園漠漠愁

池蓮爛熳未及燕賞秋半花凋憮焉增感

怪底池頭鳥戲波畫船不唱采蓮歌一天白露垂荷

掌八月秋風散蕊鵝

雛鵝曰蕊鵝

殘粉冷勻西子面新房

知覆美人螺夕陽澹蕩寒楓影剩有憐香詩思多

其二

乍聽秋聲萬樹通秋來先散錦塘中半彎明月浮空
翠十里寒香送落紅畫舫橫時飛片片紫菱淡處起
叢叢江洪真是無才思不比殘霞比亂蓬

其三

賴有蘋英白似銀秋來冉冉照平津那禁此日思君
子却向中央憶美人澹色尙能存野蓼繁霜知不到
漁綸翻風的的無窮碧猶許荷衣製逐臣

其四

幾人臺閣照金蓮獨把瓊英羨錦川趁蝶隨蜂豈我
意傾觴臨水亦無緣驚心柔海猶如此入眼榮枯自
偶然行樂何須推物理風光曾不爲畱連

其五

平生豈有愛蓮癖黯澹何由發浩歎歲月不禁催卉
老乾坤誰復識松寒霜前水色清于鏡雨後苔光冷

欲丹預作明年遊賞約好乘爛熳醉河干

其六

爭傳十丈錦生香幾擬招朋對引觴短榻日教槐國
據小杯都為橘翁忙此時冒雨方尋勝彼美摧風已
卸粧水畔茅亭幽曲處遊人履跡嘆蒼涼

其七

娟娟猶見一池青金蕊瓊葩已亂零自是花神愁白
帝豈關野色避玄冥殘香隱隱鉢中幻睡朶沉沉水
底醒最喜波空魚意得悠然潑刺破浮萍

其八

漫誇霧瀨蒂成雙玉露凝時錦帶降大幅霞綃誰碎
剪千枝瓊燭忍輕撞真人何處猶乘蓋游女今朝不
涉江蝶散東籬尋菊徑橋東惟有水淙淙

其九

瀟瀟冷雨點寒潭零落芙蓉不可採遂與蘆英貼水
暗空餘珠寶入秋甘澄波倒漾金莖影小葉虛流碧
石嵐惱殺詩人無意緒捲筒未勸已沉酣

其十

畫橋西望鬱沉沉魚去鷗來葉不侵兩岸絃歌連夜
靜幾行檉柳散堤陰碧雲時節紅雲少春色池塘秋

色深豈爲花殘偏歎息寒光一片空人心

寄懷金冶公大叅

送君船去是秋風秋日風來百慮叢多齒相隨猶遠
宦何年有子可稱翁冶公尙
乏弄璋新猷自許還珠浦舊署
誰猶繫玉驄寄語他年尋我處柴桑村畔菊花中

寄懷張華平

片帆昨歲渡滹沱我馬君車相背過人到紫薇秋正
蚤吟成楚橘慨仍多賈生拓落才應爾平子栖遲意
若何悟得鹿蕉翻一笑寶刀直欲換漁簑

題王氏節孝錄

天地幾何不朽事羨君母子譽能并田家莫道無書
史大節由來是性情兩部孝經男與女五倫好事順
和貞世人不識王郎苦嘖嘖徒傳割股名

秋日邀丁野鶴陳藹公飲快圃

入座人稱第一流蕭森木末雨催秋南州高士青霞
氣東國才名白雪樓杯底月明珠在手席間楓落玉
搔頭只今倘惜徐家肺相對翻慙水上鷗

中秋感懷

輕羅漫爾怨西風助我詩情此夜中露滿長空橫去
雁星懸大野下寒楓酒酣猶可追狂態眠蚤將無笑

學淵堂詩集 卷之三
老翁來夜何嘗無好月畫樓歌管不相同

其二

短鬢何緣不似髹身經三十七中秋每懷棗栗童時
戲翻爲風塵宦況羞雲碧霞紅天未老樹空山濶鳥
何愁百年除却衰和穉幾見明河月影流

其三

玩月前宵已半酣月明今夜飲猶甘鷓鴣絲韻動燕城
曲蘋寶香先楚水柑李白一生多記醉榮翁三樂首
爲男自矜我比楊雄勝舌轉如風可劇談

史稱楊雄口吃不能

其四

月高莫更剔銀缸樹影參差蔭小窗客老偏能譚往
事歌殘都未合新腔籟隨風起聲如咽心與天空影
自雙此夕逢人多笑語繁愁聊借酒兵降

其五

笙歌如沸撼棲鴉問是朱樓大姓家共道此時爲令
節如何一處有繁華滿堂羅綺知非賤幾卷詩書豈
自嗟牛渚高吟誰解聽水輪寂寂照蒹葭

其六

朝來爲宦動歡聲犀甲新聞戮海鯨已有班生封定

學淵堂詩集 卷之三
遠不勞漢帝去昆明清光萬里同秋月歌舞千門徹
玉京猶願普天無白羽懶人清夢穩柴荆

其七

共把深杯漾月光偶緣世事轉神傷交情只覺雷陳
古時序安能春夏長鳥到上林爭覘皖蘭生幽谷獨
芬芳秋來日日都堪賞桂子殘時菊正香

其八

沈寥沈瀟欲沾衣草短蛩音聽亦稀天爲分秋今夜
永露知佳節上花微蓴羹已遂張翰思樓飲誰言庾
亮非此夕自來多寂寞人家一半掩柴扉

蚤起

閒齋短榻秋陰陰殘夢踟躕澹我心數畝田乾麥不
種幾邨烟冷盜相侵籬根促織響紅葉屋上斑鳩落
露砧蚤起自來弄書卷思之有觸作長吟

江南捷

萬里煙收海氣清傳來露布動歡聲艤艦鐵染腥蛟
血組練花分水國營天子自封聞喜縣將軍還築
受降城蚤弧誰是先登者麟閣行看紀姓名

其二

塵飛一騎入彤墀五日三千里恨遲禡祭何須勞禁

學淵堂詩集 卷之五
旅凱音蚤已奏偏師近臣色動絲綸下大捷聲宜駕
鷺知不是我王誇耀武東南從此臥征旗

其三

將印曾聞鑄海防鯨鯢誰放出中洋軍聲一戰摧秋
葉野哭千家痛水秧不獨南邦宜築壘還須東國亦
焚狼狡焉出沒隨風落急掃腥巢莫待商

其四

賦歸渺渺寄狂瀾數萬如蜂一飽難魚戲只教常在
谷獸饑却肯自相餐田橫窟穴青州島諸葛功名赤
壁壇長技倘能爲我用獻囚蚤晚入長安

賦得謫官尊酒定常開卽用爲韻

燕山落落有狂客才不謫仙官可謫已歎一身寒葉
輕那堪滿目秋花白風流誰上庾公樓寂莫還同楊
子宅千古英雄何處藏青帘一幅斜陽陌

其二

礙我萍蹤爲有官幾行騷些豈重看人情閱盡如全
史世味嘗來卽大丹唐邸已無雲出戶晉宮惟見鳥
棲闌滿壺桑落秋來好對影頽然亦自歡

其三

餐英飲露自虛言寄興還須白墮尊豈是才名妨絳

灌似因骨相老虞翻春無錢策榆郎樹日有酸風梅
子邨四十輩同登玉署如今誰復待金門

其四

豈耐風塵蹀躞走自憐無智窮蝌蚪半生拙計是泔
魚千古名文惟頌酒上苑開殘紅藥闌左官折盡青
門柳書生悔不學干將博得黃金大如斗

其五

三年萬里盤山磴豈獨蕭蕭馬可聽落日高峰翠欲
飛寒巖孤鳥青相贈未能託命向長鑱却爲微名惜
破甌此日情懷誰最佳菊花香滿陶家徑

其六

頽然七尺亦昂藏愁來萬斛獨禁當白日蒼煙埋古
徑淒風冷雨壓輕裝欲從得道李苦縣何必封侯張
子房君平有術吾不許貴賤轉轂亦何常

其七

杯中之物亦雄哉萬雉愁城立可開誰遣一年秋又
暮自慙此地我頻來雲垂石髮山容瘦月落松腰猿
嘯哀無那樹聲還可賦夜深顧影獨徘徊

過定州

三年五次度中山都在霜風落葉閒潦盡田沙畱雁

學淵堂詩集 卷之五
瓜霜明塔影挂秋顏共愁穀賤知時稔不說官賢笑
俗頑獨有東坡雪浪石遊人來往尚躋攀

巳亥九日蚤發阜城驛

良辰誰不擬高登有客蕭然旅店興寒雁一聲天欲
老霜風千里日初升題糕紫禁憑誰問醉酒黃花歎
未能滹水年來凡幾度愁顏翻對野航增

九日宿獲鹿

去年重九賦西征今日西征九日晴百里秋光連野
渡一鞭暝色落孤城行蹤已伴山川老時序還當天
地清欲買村醪酬令節荒林何處是寒英

井陘道中

寒濤如雪抱山旋戰壘猶傳捷趙年澗柿倒看紅欲
墜林楊斜出翠如拳左車謀畫何難用背水功名亦
偶然成敗英雄休更論千秋陵谷幾回遷

維陰嶺懷古

荒骨嶢嶢冷霧橫人猶忍向血田耕一時志得惟麟
書千古心傷是狗烹幸不與梁爲水族何期于趙作
山名漫吟鳥盡弓藏句去國關侯一葉輕

過微水

粼粼石子靜溪流山徑蕭條滿目秋短樹平沙羣落

雁斜陽淺水一孤舟寺深鐘送白雲出林瘦風催黃
鳥啾望裏人家真可畫松煙柿葉滿牆頭

回關

雙峰欲合鎖雄關秋色荒荒壁壘閒塞上鳥啼驚落
木城頭雲起帶寒山自來邊戍殿中外何獨甲申任
往還漫爲成安生歎息官時猶見一孤鸞

平定州白衣巷

山刺松關客自登蒲團深處法雲凝厨裡臥向烹茶
竈樓鶴飛驚掃葉僧書壁誰爲羅漢讚應門偏作宰
官稱年來我亦如雲水稽首華幢學拜真

過黑砂嶺

嵯峨山脊逼秋旻客轡朝驅入雁羣望裏滄溟飛白
日坐中怕嶽吐青雲磴紆匹馬嘶寒急霜蚤行人買
醉勤幾度經過魂欲斷燕關晉壁嶺頭分

壽陽道中

孤城雲影萬山迴亂壑秋聲百里開飛鳥半從松裏
出行人都自嶺頭來寒泉灑灑咽紅葉怪石稜稜落
紫苔擬到郊原登畫閣睨然遠眺一傾杯

途中接王孝源方伯書促予赴晉

年來身漸穩雲蘿幕府敦趣意若何名挂漆園終是

學淵堂詩集 卷之五
吏夢迷槐國亦云魔漫勞魚素催征轡豈敢煙潭戀
釣簑自笑稽生仍嬾慢只今雙鬢已婆娑

塗次接張爾成大叅從青州兩寄晉中書

雙魚兩度出陘關驛路開緘淚欲潛夫馬余猶淹幕
府同人誰復列鴛班張堪身近瀛洲嶼郭泰家原介
子山爾我行藏何日定風塵都減舊時顏

其二

開函辛苦話爲官時序霜飛萬物寒我輩自然多硯
礪人情今日更波瀾但將佛子羸提誦都作莊生蛺
蝶觀身到窮途方有悟蜃樓莫怪海雲殘

途中偶成

萬事波濤壓此心靜中感觸欲長吟山樗每爲無材
老水瓠常因有累沉八卦自宜終謹兌五行何以獨
尊金淵明真是高人侶愛惜腰肢返故林

土橋

怪底不聞秋樹聲土橋四望與山平人家煙滿紅泥
礪狐穴霜封紫葉荆自穫日耕皆鳥道一坡一塢總
村名萍蹤幾度凌晨過惟見崖深古木橫

王炤千司李移疾歸大城

馬鳴汾水應秋濤酒滿紅亭送李曹才子何緣先去

學源堂詩集 卷之五
晉高人有志竟如陶五年苦節雙蓬鬢千里清風一
布袍翻爲送君醒我夢閒心不用反離騷

其二

去年君向我言歸猶恐淹留素志違今日我來君遂
去誰憐落莫故人稀自將明月還滄海豈有霜風到
釣磯易水燕臺仍咫尺他時相見總荷衣

僦居太原僧舍

不獨枯心老似禪行勝已傷法輪懸常依佛地諸緣
幻偶到香臺百念捐月轉松陰終是影雲移山翠自
成煙寒花秋水蒼涼景遷客萍蹤又一年

送王炤千同宗有六再過接待寺

重開荒刹唱驪歌平野無霜秋亦多松下草枯人繫
馬殿頭鐘動鳥移柯日寒却向沙邊落雲懶都從嶺
下過獨有陶潛新解組淹留我輩欲如何

駱駝

誰從荒國繫明駝背上千鈞一葉多豈止智能尋水
瓜況兼口解避風波棧芻有豆纔如馬野水無梁徑
渡河聞道晉宮銅可鑄幾番荆棘沒兵戈

太安驛

兩山落處一亭縣白日青茅霜後天怪石此時猶聳

鳳破橋當日亦潺湲布帘三尺汾陽酒竹管一枝曲
沃煙忽聽柵頭鞭朴急乘郵橫索壓鞍錢

太安驛石

驛樓鐘鼓臥霜風怪石差峩相對雄多少征人從此
老去來塵世亦何窮玲瓏自愧峯巒巧斑駁無如雨
雪攻豈似燕然高百丈銘勲千載古苔紅

不寐

愁極惟思道夢中三更倚枕聽霜風蕭蕭木下烏啼
月寂寂天高雁度空身世百年思不盡悲歡萬態老
難工孤蹤我亦宦遊客荒寺殘缸半榻紅

太原城北野望

萬山如翅擁并州日落沙明汾水流地倚雄關無虎
豹雲連高嶽有松楸樓臺隱隱惟空寺草樹茫茫又
暮秋信美尙懷吾土念蒼涼滿目獨淹留

土窰

晉國茫茫古未凋人多穴處聚山腰非因煙起村何
在別有門通路不遙三月春歸愁燕子四時雲起散
松苗無須更訪桃花洞指點雲霞聽野樵

獨立

邊地秋深日暮天悄行獨立意悠然人家樓閣雲中

樹城闕池塘水際烟心與遠嵐千里動身隨宿鳥一枝眠黃花此日應開遍辜負家園種秫田

萬扶滄憲副從太原擢廣東大叅

江西人

叢桂高栖十五年偶來汾水借籌邊太原王氣雖非舊尹鐸才名不讓先榆塞纔沾三月雨春風又散五羊天水心一片君懷抱橘柚行看洗瘴煙

其二

霓旌笈笈出陘關驄轡如雲不可扳龍節自將甘澍去鮫宮應放浦珠還人來梅嶺皆新部舟過潯江是故山幕下何人不勸酒座中遷客獨愁顏

曉月

漏靜星疎小院秋溶溶澹月曉天流地浮淺水花如行簾捲微雲影在鈎虛白到村雞唱蚤寒光入寺磬聲幽那堪孤客懸窗坐不是思鄉亦白頭

同寓有奕者

觸我家園兄弟情松牆渺渺落碁聲思量此局機無盡勝負何人靜不爭紅葉滿牀僧著子黃花照戶鳥窺枰相逢誰是東山謝聊遣愁心莫更生

題寶賢亭

寶賢堂帖石版百方故晉藩所藏也鼎革以

來淪毀過半太守宗有六愾然念之蒐聚僅
存者覆之以亭仍曰寶賢

猶是王家翰墨型巋然却為築新亭翠花近接西山
色寶氣晴連東井星三百年來堂遂燼二千石至眼
初青銀鈎鐵畫淒涼慣豈學銅仙淚不停

訪傅青主不得所在

聞君住向白雲間空著蒼頭往復還我悵桃源迷渡
口人傳鶴影落深山孫登不語猶長嘯梅福無家豈
閉關料得癯形樵子識擬從幽谷漫追攀

自太原寄金冶公東粵書

萬里傳書意不遙江山渺渺夢魂銷使君才大應揮
霍遷客心安是寂寥海橘三冬枝尚綠關榆八月葉
爭飄行踪那可分南北獨向寒松問久要

胡生攜琴過訪

無那歸心學放鷗丁丁有客叩松關長衫佩帶青霞
裊短僕眉隨綠綺斑煮茗烟清竹塢散撥絃聲細水
汀還豈期蕭寂香臺畔青眼翻宜物外閒

悶

地僻禪關晝亦扃蕭然無語下荒亭背聽老僕談鄉
井遙看雛僧補梵經入樹微茫霜影白傷城寂歷水

學源堂詩集 卷之五
煙青屹然五嶽當宵立吹落浮雲數劍星

望家信

來時屬僕蚤傳書翹首榆關雁影疎海徼紅烽誰可
靜郊園黃菊幾時舒小人有母應愁我童子何知稔
憶渠蘭夢閨中同得兆牀頭璋瓦定何如

登玄通觀閣

太原

天曠雲低落木殘沙明渚白野村寒一羣雁影浮圖
上千里霞光嶽樹端方信晉山皆北向果然汾水去
南寬遊人欲放乾坤眼都到玄通閣上看

己亥小春

風高昨夜秋纔盡日暖今朝應小春太造無心成物
候逢時多感是愁人江村橘柚寒光好京國衣裳貴
客新謫宦年年闕隴祭家園一望一沾巾

撥悶

人生難與靜爲緣靜裏愁生亦可憐四海尙聞多戰
馬一身自比是風鳶蕭條寄跡分僧舍宛轉隨人乞
俸錢賴底猶能無佗際滿壺桑落醉霜天

碧玉琴

誰剪崑山代嶧陽寒冰三尺奏宮商碧天色淨連瑤
軫秋水波明動玉牀司馬何能裁楚璧卞和悔不獻

師襄悠然雅韻含堅質豈許人閒操鳳皇

東沈玄雪

教人憑底定窮通文字誰期抗考功往事悠悠如塞馬此身落落尚飄蓬世閒管鮑原稀姓天上風雷總化工一帙離騷付一炬不將瑣瑣問蒼翁

其二

淺人誰不為君憐道氣如君意自堅莫造柳車喧送鬼且持蓮鉢靜安禪古今豈有蠅汗壁因果行看雀捕蟬時玄雪呈吏議打破羸提蜺斗障毒虵猛虎總冥然

旅況東宗有六太守

此心未暇為貧愁半月蕭條貽僕羞羊市無須新字帖酒壚不受敵鷄裘俸錢歲是空倉日衣袂時侵涸水秋頻寄鄉書緣底事向平婚嫁未曾休

其二

誤信銜杯萬事輕翻憐戶小逼愁生時當仗爻方求爻事到忘情反繫情鴻去雁來原雪月雲多霞少自邊城古今誰復如張翰只為蓴鱸浪得名

其三

三年襍被轉西東都在霜峯落葉中黯黯城烏啼冷月搖搖湖水凍酸風琴絃但有思歸引賦筆還同無

是公聞道風流孔太守酒尊不遣片時空

讀沈玄雪近稿

昨夜霞光怒燭天捫來一紙是君篇才人自昔無庸
福廉吏只今與妬緣絕世白珩惟楚得闕封玄嶽賴
詩傳玄雪有遊它年倘許侯芭問擬去三山叩續編

恒山集

東朱靈均

吳人善畫

怪君得得有兼才落拓誰教紫塞來妒女祠前風正
凜呂梁岡上鳥爭猜蘭烟橘霧香秋雨嶺枳關榆落
古苔南朔物華光景別即令汗漫亦興哀

其二

江南十月小春天蓴菜鱸魚享受偏此日蒼涼畱雁
塞知君點染倦龍眠牀調寶鼎羹猶在劒臥豐城氣
自騫珍重步兵休下泪扶筇試到晉宮前

獨酌

塵情擬破翠濤尊一斗其如已醉髡行已但憑天殿
最盟心且敘古寒温僧寮餽榻延霜影湖畔鳴絲挑
水魂猶幸松關不近市并州恰是買愁村

贈于驚遠山人

善堪輿

識君顏色是前年握手重看老共憐宦海自應成瓠
落仙囊豈止悟牛眠尋源杖底桃花渡嗜古曾中秋

學淵堂詩集 卷之五
水篇好把秦銅雙掛眼人心近亦有山川

其二

聞道家原楚漢濱瀟湘風味未曾湮薜蘿有約因尋
友汗漫無遊爲老親流水高山原自譜桑田滄海向
誰論慚予不是謫仙侶元子丹丘已結鄰

鬻馬

長嘶不遇九方臯都道驂騑老櫪槽懶脫連錢猶有
戀別銜珠勒豈辭勞一鳴遂斥風霜苦千里還存聲
價高此去騰驥應自奮儘教塵眼相皮毛

馬鬻

桃驂今始受人知脫却鹽車自試奇莫笑書生輕赤
汗可憐冷宦解青絲渥洼世喜來殊種圖書誰能索
不羈聞道江潭方用武乘風好去効驅馳

乞畫朱靈均

荒塞河山眼不醒胸中丘壑幾般形乞將大斧披麻
法奪取三湘五嶽靈宗炳遊情恣屋壁王維詩句隱
丹青他年畫苑添新譜認取朱家小印星

畱別沈玄雪

見君何晚別何蚤翻嘆飄蓬不自持身世百年還一
笑文章千古更相期楚珩到底白如雪金粟前生自

是緇漫說江淹曾有賦山河原未阻心知

畱別朱靈均

作別於君獨黯然淹畱孤客雪霜天葉舟泛壁仙翁
少塞馬衝關謫吏偏我法何妨與世左憂情且莫向
人傳并州那得蘇司業賣字或堪佐酒錢

別成友端

所著有經書字考

素心何必計年交傾蓋同人初九爻纔喜聯牀看繡
虎轉憐孤轡度荒營一鐙蝌蚪讐蒼頡十指薔薇學
孟郊吾道干城只爾賴鴻文豈有太玄嘲

賦得霧中看

天地如將變混茫陰陰萬里鬱相望漲煙擁樹迷寒
鳥結氣團村沒古牆匹馬恰從雲裏出孤城宛在水
中央征人不辨朝昏候歷亂雞聲野雪荒

途中書事

雪途荷鍤萬人譁除道爭堙野潦注社長鳴鑼催運
篋衙官繫馬坐平沙漫從陌上歌頰尾擬向田間望
翠華聞道相如能諫獵 六龍豈肯駕雲車

蘆溝橋阻風

蘆溝晴日亦多風況是陰陰雪積中塞雁橫斜隨落
葉岸沙宛轉逐飄蓬浪吹雷動石梁吼塵擁山移霜

樹空車馬城闌行忽止征人不自辨西東

宿天寧寺

石門斜日解征鞍僧舍蕭條半榻寒
虛閣鐘搖星月動長廊樹帶雪霜乾
荒荒旅夢愁相逼寂寂孤燈忍獨看
千里風塵欣暫息來朝匹馬是長安

石門口

山勢平懸儼石門傍山紅寺受松喧崖翻古雪鵬橫
澗沙捲腥風虎過村旅客停鞭看禿樹人家鑿穴對
朝暾自憐謫宦經行慣蒼蘚年年驗水痕

天寧寺塔臺望西山

一官匏繫笑沉浮望裏西山亦臥遊
此日倚闌蕭寺裏何年拄杖翠雲頭
晴川歷歷霜微自古淀離離凍不流
安頓此身林麓好結廬何必定丹丘

寺寓寫況

愁人甘自守蕭岑寄跡禪關到處深
頻演五禽却病豎不聞萬籟靜塵心
塔喧天半風中鐸鳥語松閒月下琴
漸喜此身堪混俗逃名無用返山林

秋日寺寓偶感

西風瑟瑟自宜人
物候偏于客裏真
砌草綠分深淺色
渠花紅覆去來津
愛閒況復依蓮鉢
耽病猶能漉

學源堂詩集 卷之三
葛巾銀鹿當門莫報客冥然懶與世相親

歲暮雜感

除豪氣盡轉優游厭說元龍百尺樓莫讓傷人操月
旦好將身自譜春秋買山招鶴終非隱閉戶鋤瓜亦
自侯獨有詩篇猶好勝不驚人處不曾休

其二

霜蹠雪轂日紛來翠幄遙臨潞水隈論武漫言臣已
老獻詩方擬上之回豹竿龍旆輝京兆獸錦金貂動
上台非是相如無諫獵海天烽火照蓬萊

其三

身閒冬暖睡相宜老懶朝朝啟戶遲砌下雪殘畱雀
跡硯頭水解費烏絲年豐我欲聯村社俗薄人爭禮
訟師三十年前鄉里意于今回首是皇羲

其四

狂態何曾不掃除自憐言動與時疎陋猶到處能評
酒腐在逢人勸讀書葛山遊興頻年發秋水詩腸無
日虛裘馬漫矜豐沛好陶公清趣本柴車

其五

豈爲貧愁有慨聲年來世事總難平春秋不肯繩賢
者豆席都將讓後生偏向婁公爭唾面頻嘲呂相竟

學源堂詩集 卷之五
書名誰云王烈堪移俗梓影桑陰獨繫情

其六

燕南景物日蕭條不獨寒林雪後凋
邑吏偶廉思往事官兵無律笑前朝
荒村晝掩人甘虎破屋煙沉鼠狎猫
謾說甘棠畱易水于今風雨盡飄搖

其七

蓬關却借雀羅封客刺頻傳始杖筇
野老新聞憑邸報寒家拙僕賃村傭
墨螺日爲塗鴉瘦酒蟻時因看劔
濃歲晚無多儲祭品豚蹄端可祀先農

其八

一歲暮如一日暮韶華忽忽獨愁多天
心豈忍霜摧木世事爭將雀逼羅
花冷梅村雲自厚日流雪巘氣仍和
楚弓塞馬憑誰卜急倒芳尊與放歌

其九

凍雲冪冪暗虛亭巷語離奇不可聽
共道綠林官燧列旋傳白豸市闌停
鵲巢豈獨鳩能占卜肆祇今龜有
霧幾本齊諧真與幻一年詫事已頻經

除夕

雪融霜淺散輕寒深夜無愁楫柚殘
兒子喜分新履廚人傭整舊盤餐
祭詩自我畱先典索光憑他笑

學源堂詩集 卷之五
冷官羯鼓桃符皆免俗止須爆竹報平安

其二

千家寶勝鬪華箋日落高齋獨晏然一歲風光猶此
夕三更鐘鼓是明年門多雀集宜頻掃人未龍鐘愛
蚤眠醉裏呼兒覓紙筆朝來好爲寫新篇

其三

燒柏浮椒歲事新風光冉冉倍愁人
星明漢水元無月雪盡江梅已露春
磨蟻不停一夕意樵柯堪悟百年身
懶將世味爭濃澹戶小何妨喚酒頻

其四

記得童時檢曆行前朝癸亥不翻張
杜陵尙識庭前樹李白頻驚鏡裏霜
萬事蕭條愁歲暮半生慷慨惜年光
城中怪底鞭春蚤已有東風過短牆

寄荅霍亮雅

秋風獵獵啟君函說著蹉跎爲我慙
萬事總如鷄尾秃一官誰信蔗頭甘
近來酒戶猶如許老去詩情只自耽
閱歷最能生道念懶將身世向人談

清明日陳藹公以予詩簡中書藹爲靄誤草從
雲投詩見嘲步韻解之

清明三素望中紛偶剪一枝爲罩君指佞唐階原瑞

草唱臚宋殿是卿雲有懷槐里朱公節莫讓華亭陸
仲文御柳東風行特達韓翃奕奕可誰羣

金雀花

春葩誰爲字珍禽蓓蕾千枝占上林有艷獨能存正
色無聲真可靜凡音非同啄木隨風轉不解尋巢受
雨侵說與關仝應閣筆畫花畫鳥費沉吟

三至崇善寺

二年解轡倚僧寮老樹空庭愛寂寥又是霜天聽落
木那堪雪月下蒼鵬雁迎欲吹驚還識馬至如歸嘶
不驕隱隱壁間題句在幾經風雨墨痕消

晉祠

山根怒迸一泉噴遶水環山遂結村石殿沉沉關雨
氣鐵人莽莽繡苔痕青帘綠柳橋頭屋花鴨香英堰
下門試到祠中高閣望麓臺山畔野雲屯

裴晉公綠野堂

平臯十里簇雲根老樹清泉綠野門人襲風流衣帶
古代更兵火姓名存鴨眠春雨煙三尺林吐清光月
一村獸有丘園天地穩當年劔客滿乾坤

常關平王廟

廟貌前朝異姓王碧蘿翠柏曉煙蒼建旄誓掃長城

窟懸森先推大將
苾雁塞勳名猶可紀
鍾山弓劍已難藏
雲臺麟閣都消盡
不及并州一瓣香

郭有道祠

三千年後大儒祠
瞻禮翻爲漢室悲
不善學君成黨禍
豈輕應詔犯危時
幾株老樹清風滿
一片青珉古事垂
欲向墓頭酌村酒
荒煙無復蔡邕碑

司馬溫公墓

涑川荒壠宋名臣
社稷文章繫一身
名動蠻夸周召虎
書成通鑑魯郊麟
僅存謚法碑三字
不盡衣冠祀幾人
數里林巒卽綠野
二公隔代足相鄰

別太原僧舍

久假松關作墨莊
偶然別去轉神傷
一宵願學林宗掃
三日慙無文若香
自有天花臨法座
莫教風雨上詩牆
人生到處畱鴻爪
千古黃州說雪堂

除夕感懷

癸卯

淹畱不解惜韶光
四十年來滿鏡霜
老我可憐頻此夕
困人猶苦是他鄉
三更鐘鼓星河動
千里雲霞子舍長
正朔小臣皆有慶
雞聲未歇問衣裳

別崇善寺僧

枯心宛爾戒僧如
愛向鸚林賦卜居
簷鴿不驚緣客

學海堂詩集卷之五
熟庭苔日厚與人疎以君寒衲能評酒而我微官好
讀書彷彿前賢猶有媿昌黎曾過大顛廬

別太原醫張瑞華

幾向壺天乞祕方此身諸病只餘狂世情安得無肝
火人事爭如有健忘藥裏垂垂憐杜甫雲巖渺渺羨
韓康別君恰是春風暖紅杏醜粉滿徑芳

王襄璞方伯博古圖珠燈

萬斛隋珠綴赤瑤華燈爛熳古圖翻半天龍氣懸周
鼎徹夜雷紋照漢尊對雪自教霞弄影搖風堪使玉
銷魂借光有客寧辭醉況復春風入座溫

其二

籠紗剪綵自尋常那得離離簇夜光碧暈砂斑儼法
物花流翠滴盡文章懸簷一覽張華志燒燭如登光
芾航莫羨金蓮徹禁炬庾公有興客清狂

其三

東華燈市憶曾遊戚里笙歌競綵毬安得蛟人編磔
柯直將海蚌譜春秋月知好古窺朱戶雪爲分光近
畫樓誰道河汾臨野塞今宵春色宛瀛洲

其四

燈華影疊艷長春百尺竿頭圖畫新蛤破千胎飛合

浦龍騰雙額闢天津明珠從此非投暗古道于今喜
照人他日佐君調玉燭光明一化徹由旬

其五

古色斑斑絳燭籠光連珠斗燦天中乍來鸚鵡疑晶
箔細碾珊瑚似蕊宮金佛牟尼原烟爍漢皇汾鼎自
虛空喜將一炬懸三代青史何須廿一通

其六

銀河一夜失繁星爲有蛇銜出繡屏點綴還分君子
佩畫圖只欠古人銘遙添火樹千枝紫近接霜筠一
帶青照乘虛傳連十二幾曾結得鼎彝形

其七

熒熒數朶寶光搖春透冰壺暖不消君向碧籠存古
意我從紅影認前朝摘將衣底排庭樹蹴起盤中象
斗杓不是夜晴明顆顆教人錯喚作星橋

其八

大珠晶晶抱小珠能教醉眼不模糊何須火棗仙家
樹不羨雲林浣古圖主人咳唾璣錯錯賓朋歡笑歌
烏烏當前豪華有如此八載落魄非窮途

別曹秋岳夫子十稔偶于晉陽拜晤感而有賦
左官次第買歸航回首青門已十霜元老尙畱龍馬

塞逐臣敢負芰荷裳且將世事浮桑落況有文詞動
柏梁爲憶髫年環絳帳幾何雙鬢已蒼蒼

晉祠水觀

誰鑿雲根吐玉泉分流南北各潺湲蒼陰高閣三株
樹綠滾平疇萬頃煙坐水香祠神女貌懸崖幽洞鬼
工權夕陽欲下波光暝燐火猶驚戰伐年

蒲州河干鐵牛

曾聞黃鵠鎮湖隄蒲坂何時鑄一岸質秉五行金是
骨身羅八卦艮爲蹄火攻懶逐田單陣神運難隨諸
葛妻見慣蛟騰目不瞬河干一任草萋萋

清源

何來山縣字清源一望泠泠水抱村近接晴嵐青上
下寒連霜樹白朝昏人家屋底愁生荻邑宰門前喜
浴鴛鴦雨去年收稻儉爲催春稅賣耕犍

九日風

空園危閣撼霜飈閉戶銜杯度菊朝冉冉名花愁黯
澹翻翻落葉上雲霄只因青女今年少遂使封姨此
日驕不忍登高頻徙倚寒林萬里總蕭蕭

雙垂楊

春風欲動舞絲絲雙傍朱樓色更宜日上碧絲交弄

學源堂詩集 卷之三
影鳥牽金索巧移枝王恭張緒分誰似眉黛蠻腰任
爾爲濯濯風流相對好歲寒還讓老松知

范觀公學士園中雙鶴

學士園中雙白鶴一般皎潔識同心窺魚但向池邊
立避露常從柳下尋獨有仙人憐好伴更無清士歎
孤音爲彈流水高山調相逐依牀聽莫禁

慈仁寺松

老山松古自尋常拔起金田況 帝鄉慣見遊人成
祖父不驚世代有滄桑枝橫梵宇誰曾識葉受塵烟
亦可傷莫謂蒼虬無晚翠年來天地足風霜

文官果

大于椰子翠于玕密葉繁花鳥不殘豈有蕉心抽綠
卷遂同虬鬣拜蒼官落霞影裏珠千綴曉色林中玉
一攢倘遇好文如漢武凌雲應作上林看

金銀藤

不信金銀亦有藤嬌分黃白影翩翩籬編花徑香三
里葉裏朝煙露一升莫是車名人亦誤總如夜氣識
還能五侯富貴園林好羞與文官果竝稱

王信初巡視茶馬

石榴月度石榴關雲擁三秦豸繡斑家有諫書傳手

澤國勞台使重天閑羌人酒貢葡萄熟苑國茶分騷
駢還況是彩毫壓光芾重揮天馬獻宸班

顧逢伯孝廉教授順德

太行東去古邢州有客青氍學宦遊綠柳春風君子
驛蒼烟白水孝廉舟十年未售長門賦一日行看洛
水流漫爲西湖勞憶念蓮紅郡堞好登樓

送翁詰初守龍安

國恩正渥尙書郎君獨一麾向爽方萬里龍門天自
遠十年雞舌氣猶香人行漢棧雲隨馬柳折燕關雨
對觴莫唱離歌增旅思張堪不久有徵章

魏善伯偕乃弟和公旋寧都

入洛機雲已倦遊檣開彩鷁潞河洲入山自合三珠
樹有筆同脩五鳳樓路滿金華江岸菊林飛玉露野
天秋翠微峰上如遙憶應笑長安客白頭

乙巳除夕

身世蒼茫未有涯每逢除夕惜年華滿天春色寒難
斂午夜鐘聲老更加搵券祇緣婚嫁事典衣不愧縉
紳家蕭條三百六十日贏得詩篇幾帙賒

鏡中美人影

娉婷宛宛坐菱花笑指晶宮是妾家艷質無人堪並

美靚妝有影可雙誇芙蓉嫩玉籠秋水楊柳輕絲漾
月華幾度畫眉還自歇生憎學我阿誰媧

簾內美人影

一幅湘紋隱翠娥疑仙猜畫奈人何香風欲透蝦鬚
密笑語微聞銀藕搓偏是澹妝迷素竹只餘嬌暈幌
幃羅蘇州刺史腸空亂窺見丰容能幾多

月下美人影

冷夜冰輪印美人步環寂寂鬢螺真邢姬夜侍疑藏
尹虢國宵朝似引秦素壁袖翻驚活畫空亭花背悟
前身姮娥桂闕原無妬物色嬌容不厭頻

燈前美人影

庭張華燭繡幃開國色無雙影作陪嬈嬈虛鑿人上
下盈盈暗逐客徘徊歌流櫻口無須響舞共蠻腰莫
待催頻問芳名渾不應阿嬌夜夜與同來

花間美人影

如錦花叢如玉人花陰人影侶真真紅梅著砌偏當
額綠篠拖煙恰半身欲轉藥欄遮不得偶藏薔架覓
空頻桃花人面難相映滿地風流趁月輪

池中美人影

影娥池上弄輕盈出洛臨湘儼畫生嬌映睡蓮分嫩

粉艷疑螺女泛香萍檀郎愛見頻呼字小玉驚看錯
問聲記得喬青有好句卿須憐我我憐卿

並蒂芍藥

競發名花罩曲欄誇嬌比艷倩人看尹邢相見攜紅
袖秦虢來朝並寶鞍蝶入嗅香忙左右月中猜影誤
雙單從前錯喚將離草同舞薰風亦合歡

長春花

春葩秋藥各時芳獨爾歲華生意長一歲兩逢梅比
艷經年只與月爭香山中柱作銅蓮漏殿上何須瑞
夾蒼聞道花開風有信將無忙殺探花郎

齊鐘銘明府招同郡諸公慈仁寺看海棠

十年不醉此花傍花遂婆娑我鬢蒼脫帽放言仍故
態銜杯忘分是同鄉錦衣遶樹連春色紅雪飄人妬
酒香誰道看花休卜夜月明正好度霓裳

水仙花詩

一叢仙蕊凍纔生如許寒芳讓爾名天地有霜能不
老江山無色亦孤榮香如蕙發湘君笑瓣擬梅開水
部驚聞道幽軒多種植品花應不吝清卿

其二

深黃淺白玉含津礬弟梅兄共得春不艷自然違雨

露有姿終莫近風塵水光渺渺來羣雀夜色淒淒立
美人我欲移來栽近圃凍青慈竹一時新

其三

花高不許葉籠頭會向霜天自作秋傷石可堪爲素
爻漱泉恰好對清流雲華影結宜春苑天雨香飛白
玉樓幾度江干頻悵望阿誰載上木蘭舟

其四

紫苞碧甲自然菱莫比緗桃和露栽無媚向人皆冷
面含香如筆亦仙才不爭春色憑花妒獨對寒江避
鳥猜落莫總難看帶笑瑤枝畢竟是蓬萊

其五

亭亭疑是剪琅玕雪積平沙未覺寒萬里朔風添爾
翠一天霜氣助君酸約黃不學宮眉歛衣白終同野
服看何草更能經臘月憑他錯喚作春蘭

其六

幾枝香雪欲婆娑花氣冥冥散百和染筆畫家無舊
譜借名樂府有新歌何來粉蝶銜青篠不是銀葵點
綠莎爛熳江頭當歲晚白雲一片接霜波

其七

正愁臘雪老江臯賴有名花映素袍欲洩春光先碧

學淵堂詩集 卷之五
柳不侵寒色勝水桃垂垂似我頭俱白落落憑誰影
獨高自抱幽情如睡草豈同蘭芷入離騷

其八

泠泠何事色香殊冷落無人亦弄珠欲擬療愁金不
艷豈同捐忿錦全輸仙名到草應如謫水色經霜幸
未枯只恐逢人多老眼霧中看去總模糊

其九

空香縹緲亦瞿曇漫與仙流服食甘盡日低徊還自
笑一身澹漠可誰堪閒愁不作丁香結孤韻如同豆
蔻舍獨有鄭交是知己相逢解佩楚江潭

其十

幾枝蓓蕾欲排窗青女馮陵總不降葉有同心相抱
出花無寒爻自爲雙俗名到底呼金盞詞客還疑賦
石淙有美人兮波上去小喬昨夜嫁東江

其十一

無數春秋紅紫繁幾番遊賞倒芳尊那知落木空山
日猶有寒花漾水邨黃白自能驚世眼高低總不著
霜痕菁蔥還愛吾廬樹且待春光靜掩門

其十二

江南一卉亦移來生喜瑤華向雪開號國夫人青玉

學淵堂詩集 卷之五
佩藐姑仙子綠雲堆春風有信香先探明月無痕影
不猜澹漠相看乘醉眼錯疑隋苑素純裁

其十三

嫩玉如抽淺澹芳含馨不數小南強遠移海國人應
貴近接侯家氣自香鬪草還憐書帶腐問花空說牡
刀王多情愛惜紗籠護一任封姨入夜狂

其十四

苕菲宛宛上冰枝說向蜂王總不知西嶽馮夷先得
藥南園山谷更裁詩叢金有氣三冬足削玉爲華六
出奇潑茗一杯書一卷蕭岑恰與爾相宜

其十五

蕩漾何勞花信風仙葩昨夜已成叢枝懸白蚌真編
貝葉擬青圭戲剪桐寒暈試看深淺外澹香只在有
無中肯將素質臨春谷羞殺楊妃一捻紅

其十六

自矜遲暮色猶青不與繁花鬪雨馨移向瑤盆憑點
綴開臨金屋豈飄零香幽未許隨團扇鳥寂何須倚
護鈴空說花中十友最誰堪冒雪立江汀

其十七

一尺亭亭秀不禁種分仙圃是瑤林晚榮遮莫還畱

學源堂詩集 卷之五
本正色如何只在心宛宛虛隨孤月白
菲菲愛住冷雲深
自從開放無人采
翻笑梅花有客尋

其十八

右丞寄傲雪中蕉傲雪何期有阿嬌
石棗幾枝巢玉燕鶯黃一點落水綃
任憑庾嶺梅先綻不學荆川菊更飄
抗得封姨十八過惜花御史漫招搖

其十九

攢水綴玉泣霜濃白帝無緣黑帝逢
花史怕孤貞桂子江妃偷出玉芙蓉
寒葩笑草先枯夏幽翠憐藤亦忍冬
洞口驚看石有秀梅花多少落高峰

其二十

雙丸光景亦花如濃澹都隨霜露舒
地老漫誇金粉嫩林荒誰使碧烟疎
雲邊擷蕊惟溪友雪裏尋香見夜漁
冷落獨存仙客意鮮妍且莫羨芙蓉

題孫思遠小像

雙睛如電戟如鬚兀坐遽然有道儒
藜杖暫停行藥屐蒲團不演戲禽圖
能將枕秘公天下爲訪壺公徧海隅
如此古心兼古貌無須論筆著潛夫

次李坦園相國山亭落成韻

退食從容每自公能將丘壑寫胸中
補天有煉高窗

學源堂詩集 卷之五
豎鞭海無心曲檻權十丈玲瓏延月入四時駿隼借
雲叢臥游何必誇宗炳秀滴青來儼化工

其二

峰巒各勢共含青蒼老知多風雨經有畫有詩摩詰
筆或書或酒子雲亭徜徉客帶十洲趣位置人猜五
嶽形縹緲如遊緱嶺上一聲嘹唳恰仙翎

呂大呂督學秦中

聚星井宿使君來函谷峻嶒紫氣開趙魏名卿多上
黨古今博議讓東萊談經地近扶風帳載筆人登賦
柏臺三輔佇觀經濟出司農原是濟時才

沈雲中儀部督學福建

玉尺瑩瑩照海頭金顰豸繡過杭州文章新式尊宗
伯聲韻重編壓隱侯化雨自生書帶草春風先上戴
星樓七閩舊有文公化佇見薊山院更脩

李坦園相國元孫彌月

香滿華階春晝溫石麟前月降朱門中書韋氏原相
繼才子高陽又有元潭府笙簧將鳳曲綸扉霖雨長
桐孫男祥則百初吹管仙李由來奕葉繁

送李吉爻司李上黨

君才只合上蓬瀛郡節分持潞子城地近漳泉堪作

學淵堂詩集 卷之五
雨衙多喬木好遷鶯士風尙有姚崇化人物今傳鮑
昱名屈指三年應奏績漢家循吏重寬平

劉導九出守嶺北道

十年指佞向彤庭劉向封章總六經執法暫移天北
極分藩遙去海南溟珠還合浦傳新事鱷徙潮州問
舊汀瘴雨鬱烟應若掃神羊到處有威靈

紀光甫分守青州道

龍節遙臨凝翠樓清風白露海天秋李膺按部無貪
吏杜密知人得俊流淄水月明三牖靜牛山雨滿萬
家謳公來何暮非虛語蜀越聞君恩澤稠

光甫曾
官蜀越

書邵弭齋先生傳後

董狐筆法太初詞邵子賡颺祖德詩家廟衣冠猶正
氣傳經俎豆有鄉祠公門大衍錢江祚吾道南爲蒲
海師正史興朝方有作直臣應並日星垂

吳長文還江南

精堪輿家
言善繪事

如君儘可住長安却向秋江買木蘭萬里龍沙藏畫
冊幾年風雨驗星盤家園夢迫裁歸賦朋友情多奈
冷官若到鄉閭酬父老爲言新政播恩寬

送丁景行同館以按察副使備兵潞河

猶聞遺愛動羌歌豸繡新衣按潞河官是外臺稱憲

學源堂詩集 卷之五
副人曾中秘校書多五雲有闕尋常見七郡如星次
第羅左輔只君爲領袖好將春雨作恩波

劉公愚方伯以太翁誤著先生集記鄉賢錄來

示詩以跋之 公會 撫蜀

平舒類水鼓鐘傳蘋藻鄉人饗大賢子今聞原北
斗文翁雅化在西川傳家自有珠三樹著作長畱疏
一編莫羨汾陽牀滿笏衣冠子是正碑聯

石公宗兄歿十年其子鵬高來遊太學晤於京

邸愴然有作 是歲揚州大水

十年夢已冷池塘握手孤兒意重傷字畫可能畱手

澤衣冠端不愧書香竹西有舍空懸額邗水多田祗
望洋今日吾家傳舊德好懷代國與汾陽

送沈繹堂南還

歷盡艱虞意惘然歸與一棹潞河烟渺茫三月桃花
水迢遞千山雁字天同學多人誰意得左官近日倍
恩偏相逢痛飲皆名士莫讀騷經橘頌篇

送張禮存太史歸省兼寄乃翁 公選天部

五雲如應殿頭呼風致靈和柳不殊近代才名推二
陸大家文字重三蘇陛辭非爲思尊美庭立還知見
鯉趨舞罷綵衣煩寄訊藤花去後歎荒蕪 吏部署中有古藤呼

署為藤

白鳥

瑤光五色幻神鴉
皓羽不羣遂足誇
乍老自能欺霸國
稱祥何事誤元嘉
一行影濯江心練
幾葉翎添梅嶺霞
有意教人覓不得
月明寂寂坐梨花

其二

前年西貢黃鸚鵡
今歲江南獻白鳥
小物尚能存正色
大臣偏肯頌神符
三千里外塵飛騎
五六月中雪滿笈
聖主報聞真有意
鳳皇今已在岡梧

黃鸚鵡

西方奇特黃鸚鵡
表獻殷勤師武臣
羽映龍墀彤借色
臂擎虎旅甲疑身
佛分寶相歸中土
天與金衣覲聖人
才子莫矜新賦好
須憐萬里驛樓塵

別涵叔宗兄十四年來都聚晤
未幾旋里書此送之

別緒悠悠十四春
相逢白髮倍情親
有懷感慨頻呼酒
無數窮愁懶向人
歲月荒涼心外事
乾坤寥廓客中身
洛京莫道無黃耳
雪滿梁園夢自真

劉公愚方伯之任江西

江表山川楚國風
舊時恩澤已旁通
福星今上珠簾

閣甘雨先飛鐵樹宮萬里包茅雖有貢十年杼軸已
多空君家世載梧垣筆肯使民歌大小東

送魏柏鄉相國予告歸里

滹沱春水漾隄沙宰相籃輿度柳衙初抵里時鶯囀
樹舊題詩處壁籠紗鄴侯自有銀青約謝傅何嫌絲
竹奢東閣平津看漸遠廣平空復賦梅花

其二

元臣解組出銅龍綸綽春溫 主眷濃十漸十思資
啟沃三薰三沐念遭逢東山有地鋪碁局北闕他年
待鼎鐘祖帳青門車馬盛都人如覩漢疏容

其二

青滿燕郊柳陌春犀鞶宦繡去平津一朝引疾何慊
慨十載調羹亦苦辛舟過滹沱無駭浪風迴大陸有
清塵自來趙國能完璧豈爲家鄉是柏人

寄題嚴封君嗜退菴

一丘一壑自從容何必羊裘江上翁與我周旋高士
意獨卿嗜退古人風溪添春水烟三尺徑發秋花露
一叢野服扶筇時遠眺廢興指點大江東

贈張羅浮給諫用羅浮夢中句爲韻

十年霜雪老黃門表勸垂衣擁

至尊

給諫曾請親政

捋虎

一身渾是膽補天五色更無痕雁寒荆渚孤臣跡月
滿梧垣國士恩諫草雖焚猶宛在漁陽父老謫荒村
給諫有請
停園田疏

其二

十年霜雪老黃門感慨臨岐對酒尊白髮思濃鄉菜
味青袍色帶殿蒲痕召還瑣闥真殊遇疏乞金雞亦
廣恩爲擬布帆歸去處紫雲山畔訪梅村

張漢昭民部權關江寧

金陵雙署權江關奉使浮槎潞水灣驛路邗溝花正
發行臺桃葉月應閒官橋稅薄千檣集舶賈人勞萬

里還博物知君能攬勝華林舊蹟傷三山

清明郊望

東風拂拂送游絲寒食花飛物候移草色去年曾綠
處鶯聲初日欲升時一行裘馬香山路幾簇壺觴玉
水湄攬轡郊坰聊極目郎峰縹緲白雲垂

賜環入署

游戲人間老謫仙承恩重踏舊花甄沙龍臥向天池
偃雪燕飛從海嶠還

院中有白
燕堂蹟

憶昔絳紗環玉筍喜

今紫禁照金蓮莫驚白髮纔新進曾侍先皇御講
筵

辛亥清明

春來老懶日多眠
寒食花明倍黯然
朱邸啣泥原巧燕
青榆散莢沉飛錢
喬松蔭翠懷先壠
御柳吟風憶昔賢
直上雲霄緣底物
鬪雞場裏放風鳶

辛亥初度

老境邀人入漸深
蹉跎全失少年心
邯鄲勲業無青史
岫嶠文章有綠沉
差喜故人行馬貴
可憐新癖讀書淫
知非已近霜堆鬢
勾漏丹砂何處尋

荅曾青藜

懷韻

讀書不解沐薔薇
心折南豐覺昨非
知我自知劉尹

勝見人如見謝安
稀雲深五嶺藏書塢
水合雙江把釣磯
入洛相逢多感慨
翠微安穩好言歸

陳說巖侍讀移居日聞

命遷官

德星移照玉河堤
恰報水衙紫殿躋
宜置此人左右
何妨分住廨東西
鳴珂入直三台近
撤炬登樓百尺齊
鐵鸛祠前泉勿幕

新居前有甘泉

知君拔轄識金閨

送張幹臣學士歸廬陵

以言事謫官去

蕭然襍被澹秋曠
去國之由天下聞
聖主何嘗有忌諱
忠言只不禁慙慙
黃花露冷鄉心急
紅樹霜高驛路分
回首知君猶極目
龍成五色是韓雲

時上幸盛京

其二

布帆如葉逐寒潭紫氣遙看互斗南語出忠肝無那
苦味回諫果自然甘頓江雷過常爲雨廬岳雲歸總
是嵐預約賜環趨闕日千秋金鑑向君探

秋日登王大司空樓臺

蕭蕭不忍聽秋聲日暮憑高動遠情寥落紅林哀北
雁微茫白堦認西城雲中宮闕千門靜雨後山河萬
木清人到輞川懷自好只愁霜塞濕龍旌

時上
幸遼左

辛亥除夕

世人此夕意何如老我明朝半百初總計年華無好

況現存家業有殘書晉賢放達心原苦燕士悲歌氣
自舒四海只今皆落莫肯教霜鬢獨愁予

書肖泉宗兄扇頭

屈指違離十六年相逢安得不潸然敘來老話驚孫
子想到人情信海田吾叟雅堪爲祭酒此官難道是
神仙共憐短鬢霜華染何日姜家被共眠

題益詠堂

萊陽宋太僕公長元先生明天啟丙寅丁卯
閒令清豐有遺愛清人德之建祠以祀歲時
伏臘無遠近操豚注醴鼓歌會饗垂五十年

不衰跡古甘棠勿拜無異也以故吏部李公
其紀顏其堂曰益詠往寇躡清邑燬公私廬
舍殆盡惟公與唐南霽雲明沈青霞三祠存
知爲功德節義所感公子觀察公荔裳爲余
述其事寄題二律

頓丘之野祠堂存俎豆衣冠畫像尊百歲傳歌猶父
毋萬家食德至見孫雲旗畫曳黎陽樹鳥鳥晴迴博
望屯遺老年時頻動色慰看公子駕朱轡

其二

曾經劫火儼重焚鼎峙青霞與霽雲澶澤民謠皆史
料丹崖家世有碑文春煙歲老萊公柏秋社時蒸田
父芹聞道清風興百世後來誰肯不如君

初度

壬子
五十

槃榼尊壘滿眼前大兒拜舞小兒旋空勞七尺乾坤
裏可惜十年日月邊落落此心無富貴茫茫斯世有
憂煎憑他天上風雲巧豈肯隨人造鐵船

五十初度

一萬八千日幾何狂夫情態已蹉跎無才豈夢松生
腹有恨難聽豕渡河天下英雄金穴少世閒奇事鐵
船多文章底是蕭森物那得桃花入楚歌

贈吳福巖山人

山人精堪
興有內養

知君有意入山深黃綺行須共一林龍給異書皆古
字鳥傳仙談是靈音眼穿地肺看鰲背手卷天衣換
水襟莫遣桃花隨意出武陵只恐有人尋

賀子昂姊夫伯姊七十同壽

人生七十古來稀誰不歡吟老杜詩今日為君進一
爵同庚在室慶齊麋情真昆弟無夸語壽比岡陵作
祝辭我亦龍鍾雙鬢雪天倫樂事竚期頤

學源堂詩集卷之



